

Staziuns dad Elvis Presley:

- 08.01.1935** Naschientscha ad East Tupelo, Mississippi
- 1948** Migraziun da la famiglia a Memphis
- 1953** Elvis registrescha in emprim agen disc d'amatur en ils studios Sun da Sam Phillips
- 19.7.1954** Publicaziun dal disc "That's All Right", l'emprima registraziun professiunala per il label "Sun" da Sam Philips. Curt sisur l'emprima cumparsa avant grond public, ensemen cun ils Blue Moon Boys (Scotty Moore e Bill Black).
- 1955** Midada davent da Sun vi tar il label RCA ed emprima collavuraziun cun il manager Colonel Tom Parker.
- 27.01.1956** Publicaziun dal "Heartbreak Hotel", l'emprim numer in dad Elvis en ils Stadis Unids.
- 1956-1958** Success internaziunal, cun hits sco "Hound Dog", "All Shook Up" e "Love Me Tender", consolidà tras cumparsas en televisiun e films, surtut il film "Jailhouse Rock" (1957).
- 1958-1960** Servetsch militar, per gronda part en Germania.
- 1960-1962** Comeback dad Elvis, cun diversas balladas sco "It's Now Or Never" u "Are You Lonesome Tonight" e concentraziun sin films ligers à la "Blue Hawaii".
- 1963-64** Emprims segns d'in declin artistic, concorrenza tras la "invasiun britannica".
- 1965** Inscunter cun ils Beatles e maridaglia cun Priscilla Ann Beaulieu.
- 1967** Redirecziun musicala cun dapli gospel e prominentas cumparsas da televisiun.
- 1969** Nov return en las paradas mundialas cun "In The Ghetto" e "Suspicious Minds"; cumenzament da lungas serias da concerts, surtut a l'International Hotel a Las Vegas.
- 1972** Divorzi.
- 14.01.1973** Concert istoric a Honolulu, transmess mundialmain per televisiun sut il titel "Aloha From Hawaii", cun passa 1 milliarda aspectaturs. Emprims problems da sanadad.
- 16.08.1977** Mort dad Elvis en sia dimora Graceland a Memphis en la vegliadetgna da 42 onns. Raschun da la fermada dal cor era nunclera, ma i vegn supponì in extrem abus da medicaments.
- 2015** L'amunt da discs dad Elvis Presley vendids enfin oz vegn stimà sin var 600 milliuns portatuns mundialmain.